

Attachment 1

Šun e vorbi taj phen palpále vorba pe kakala phušimátura.

Phen palpále vorba:

1. Sar bušon e dúj romňa?
2. Pa sos vorbin?
3. So dukhal a Manca sako d'ejš?
4. Ká malađona e dúj romňa? Taj so kerna?

[for teacher]

Má andej berš sam

M: Lášo d'ejš te del o Dejl. Sar sal, Kejža?

K: Te del o Dejl. Sar šaj avav? Má či sim či kodi terni. Taj pijav e but draba.

M: Naj salas ká e doktora?

K: Aj so niči, simas. Sako d'ejš phírav leste.

M: Naj so phenel tuke?

K: Khanči. Feri skirij e but draba. Taj tu, Manci, sar sal?

M: Aj so te phenav tuke. Vi me sim má ande mure berš. Sako d'ejš dukhal muro šejro. Čak báro tlako avla ma.

K: Naj vi tu hát phíres ká e doktora?

M: Aj so hát, taj vi mange skirin feri e draba. Taj má či bírij či te pijav le. Vi muri d'omra dukhal ma lendar.

K: Vi čáčes sa ká o svunto Dejl-i, čumidav leske vastoura taj e purnoura.

M: Čačimo-j tu. Site trajinas kadej, sar žanas.

K: Manci, na xojajve pér ma, de site žav-tar. Si ma inke varisoski búťi.

M: Vi me site žav inke po pijarco. Ášu Dejavlesa!

K: Dejavlesa! Tehára malađuvasa po keretšígo ká o Joško.

1. *Sar bušon e dúj romňa? I Kejža taj i Manci.*
2. *Pa sos vorbin? Pár pe sar-i nasvále.*
3. *So dukhal a Manca sako d'ejš? O šejro.*
4. *Ká malađona e dúj romňa? Taj so kerna? Vorbina po keretšígo ká o Joško.*